



Deialdia berriro irekita data aldaketagatik

# ProWine ASIA SINGAPUR 2022

2022ko irailaren 5-8

## Informazio gehiago:

Bego Sevillano

693 517 235

[bsevillano@hazi.eus](mailto:bsevillano@hazi.eus)

**Tokia:** Singapur Expo, Hall 4

**Maiztasuna:** Urtero (Hong Kongekin txandakatzen)

**Norentzat:** Mahastizaintza eta Ardogintza industriako profesionalak

**Izena emateko epea:** 2021eko abenduaren 23a

**Azokaren webgunea:** [singapore.prowineasia.com](http://singapore.prowineasia.com)

**Parte hartzeko kostua:** 1.500 € + %21 BEZ

Eusko Jaurlaritzako Ekonomiaren Garapen, Jasangarritasun eta Ingurumen Sailak, Elikaduraren Euskal Industria kanpoan sustatzen laguntzeko jardueren barruan, **ProWine ASIA SINGAPUR 2022** azokan Euskadiko enpresen baterako parte hartzea antolatu du HAZI Fundazioaren bitartez.

Euskadiko ordezkariak enpresa jakin batzuentzako tokia izango du. Interesa duten enpresa gehiago izanez gero, hauptapena egin beharko da, **izena emandako hurrenkerari zorrotz erreparatuz**.

Egungo egoera dela eta, deialdi honetan adierazten diren datu guztiak behin betiko egiaztatu gabe daude, dena COVID-19ak eragindako osasun baldintzen eta azokaren antolakuntzak zehazten duen segurtasun protokoloaren menpe baitago; aurrerago egongo dira eskuragarri.



# PARTE HARTZEKO BALDINTZAK



Ekitaldian parte har dezakete egoitza soziala Euskal Autonomia Erkidegoan duten enpresa ekoizleek bakarrik, Ekonomiaren Garapen, Jasangarritasun eta Ingurumen Saileko Elikadura Industrien Erregistroan izena emanda badaude.

## Azokaren aurretik

- Enpresaren ordezkari baten aldetik joateko konpromisoa eta kuota ordaintzea; **beraz, EAEko pabiloian sartuko dela jakinarazten denetik ezingo da ekitaldian baja eman.**

Halabeharrezko kasuetan baino ez, Eusko Jaurlaritzak eskubidea erreserbatzen du enpresak aurkeztutako arrazoiak baloratzeko eta, behar bada, ordaindutako zenbatekoaren portzentaje bat itzultzeko.

- Ekitaldia irekitzeko bezperan enpresak derrigor egon behar dira, esaten zaien orduan, merkantzia jasotzeko eta beraien erakustokien dekorazioa amaitzeko jardunaldia hasi aurretik behar besteko aurrerapenez.

## Azokan zehar

- Azokan **Euskal Autonomia Erkidegoan fabrikatutako produktuak baino ezingo dira erakutsi.** Ezin izango dira, inola ere, beste Autonomia Erkidego batzuetako produktuak aipatu, ezta aurkeztu ere.
- Standetan azokako egun guztietan eta zabalik dagoen ordu guztietan eman behar da arreta.

Enpresa batek azokaren ordutegi ofizialean standean arreta emateari uzten badio, salbuespenezko arrazoi justifikaturik gabe, azokaren hurrengo ediziorako lehentasunezko eskubidea galduko du (izena ematearen hurrenkera, etab.). Haren eskariari bakarrik erantzungo zaio baldin eta leku librerik badago izena emateko eta ordaintzeko datetan, egindako gainerako eskari guztiei erantzun eta gero.

Halaber, enpresa batek edo batzuek standa hutsik uztearen ondorioz antolakuntzak zigor ekonomikoren bat jartzen badio Eusko Jaurlaritzari –parte hartze bateratuaren antolatzailea den heinean–, zigor hori berehala jasanaraziko zaio/zaie arau haustea egin du(t)en enpresari edo enpresei.

- Azoka amaitzerakoan produktu guztiak behar bezala jaso eta standeko elementuak entregatu, jaso ziren egoera berberetan.

## Azokaren ondoren

- **Ebaluazio galdetegia** antolakuntzaren jarraibideekin bete eta entregatzea.

# PARTE HARTZEKO EREDUA ETA KOSTUA



## Parte hartzeko eredua

Eusko Jaurlaritzaren stand-ean, Euskadiko elikagaien industrian kalitatezko ardoak (Jlko ardoak), Jlko txakolinak edota beste edari alkoholdun batzuk ekoizten diharduten enpresek izango dute lekua.

- **Stand PARTEKATUA** eredua  
(enpresen artean berezi gabeko guneko komuna)

## Parte hartzearen kostua

ProWine Asia 2022 azokan parte hartzea hurrengo kostua izango du:

- **Stand partekatua: 1.500 € + %21 BEZ = 1.815 €**

## PROWINE ASIA AZOKAREN DATUAK

- **Erakusketa eremua:** más de 7.500 m<sup>2</sup>
- **Erakusleak 2018an:**  
273 ardo-ekoizle eta -banatzaile, 34 herrialde-  
detakoak
- **Bisitariak 2018an:**  
7.218 bisitari profesional; horietatik % 40  
Singapurretik kanpokoak ziren, batez ere  
Malaysia, Thailandia, Indonesia eta Filipine-  
takoak.
- **Azokaren webgunea:** [singapore.prowineasia.com](http://singapore.prowineasia.com)



# EUSKO JAURLARITZAREKIN PARTE HARTZEA



## Izena emateko epea: 2021eko abenduaren 23

Leku kopurua mugatua denez, gomendatzen dugu lehenbailehen izena emateko formularioa betetzea eta ordainagiria bidaltzea, Bego Sevillanori zuzenduta: [bsevillano@hazi.eus](mailto:bsevillano@hazi.eus)

**Enpresa parte hartzaileen hautaketa** izena emateko dokumentuak jasotzen diren hurrenkeraren arabera egingo da. **Azokaren datak aldatu aurretik izena emanda zuten enpresek izango dute lehentasuna.**

### IZENA EMATEKO FORMULARIOA BETE

Formularioan eskatzen den informaziotik datuak zehazki transkribatuko dira, azokaren katalogo ofizialerako eta prestatzen diren gainerako elementu promozionaletarako.

### ORDAINKETAREN ORDAINAGIRIA

Kontu zenbakia: **ES49 3035-0179-61-1791069900** Laboral Kutxa HAZI Fundazioaren izenean

Kontzeptua: **“Enpresaren izena PROWINE SINGAPUR 2022”**

HAZI Fundazioko Finantza Departamentuak dagokion zenbatekoaren faktura igorriko dizue, izena emateko epea amaitu eta parte hartzea baieztatu eta gero.

**IZENA EMATEKO EPEA: 2021eko ABENDUAREN 23**

# EUSKO JAURLARITZAREKIN PARTE HARTZEA



## GARRANTZITSUA:

Izen ematea formalki egindakotzat jotzeko, **IZENA EMATEKO FORMULARIOA BEHAR BEZALA BETETA ETA ORDAINAGIRIA BIDALI BEHARKO DIRA**, izen ematearen datan, ondorio guztietarako, ordainketa egin den eguna agertuko delarik.

Eskatutako dokumentuak bidaltzeak **EZ DU ESAN NAHI** enpresak Eusko Jaurlaritzaren pabiloian parte hartuko duela; izen ematea onartu den jakinaraziko da.

**ENPRESAK FAKTURA JASO ETA GERO, HAU DA, EUSKADIKO PABILOIAN SARTU DELAKO JAKINARAZPENA JASO ETA GERO, PARTE HARTZEARI UKO EGITEN BADIO, ORDAINDUTAKOAREN %100 GALDUKO DU.** Halabeharrezko kasuetan baino ez, Eusko Jaurlaritzak eskubidea erreserbatzen du enpresak aurkeztutako arrazoiak baloratzeko eta, behar bada, ordaindutako zenbatekoaren portzentaje bat itzultzeko.

Enpresek ordaindutako zenbatekoak itzultzeko kasu hauek baino ez dira kontuan hartzen:

- Enpresa erakusleek eskatutako gunea Azokaren Antolakuntzak Eusko Jaurlaritzari esleitutako gunea baino handiagoa bada, hautatu ez diren enpresek eskubidea izango dute aurrez izena emateko kuota itzultzeko.
- Eusko Jaurlaritzak halabeharrez edo nahiko partaiderik ez dagoelako parte hartzea bertan behera uzten badu, enpresek eskubidea izango dute ordaindutakoaren %100 jasotzeko.

# ESKAINITAKO ZERBITZUAK



Eusko Jaurlaritzako Ekonomiaren Garapen, Jasangarritasun eta Ingurumen Sailak, HAZI Fundazioaren bitartez, zerbitzu hauek eskainiko ditu:

## Merkantziaren garraioa

Eusko Jaurlaritzak merkantziaren bidalketa bateratu bat antolatuko du esleitutako garraiolari ofizialak adierazten duen lekutik merkantzia standean bertan entregatu arte.

Garraiolariak egingo du merkantzia bidaltzearen kostuaren faktura eta enpresa erakusleak ordainduko du oso-osorik.

Bere garaian, esleipena duen enpresa garraiolariaren datuak emango dira.

Eusko Jaurlaritzak ez du erantzungo bidalketa bateratutik kanpo bidaltzen diren merkantzien harreraz ezta segurtasunaz ere.

Esaten zaien orduan, **enpresak derrigor egon behar dira merkantzia jasotzeko** eta beraien erakustokien dekorazioa amaitzeko, behar bezain garaiz, ekitaldia hasi baino lehenago. Adierazitako orduan merkantzia jasotzera agertzen ez diren enpresek zigorra jaso dezakete.

## Azokaren katalogo ofizialean sartzea

Eusko Jaurlaritzak egin beharreko tramite guztiak egingo ditu azokara joaten diren enpresa erakusle guztiak azokaren antolakuntzak argitaratzen duen katalogo ofizialean agertzeko; bertan, ekitaldiko erakusle guztiak agertzen dira erregistratuta (izena emateko fitxan jasotako datuak agertuko dira).

## Kopa eta listu ontzien zerbitzua

Eusko Jaurlaritzak koordinatuko kopa eta listu ontzien kontratazioa, garbiketa barne. Zerbitzu horren finantzaketa %100ekoa da kopa eta listu ontzien lehen erretiluan. Enpresa ko-erakusleak elementu gehiago kontratatu nahi izanez gero, zerbitzuaren hornitzailearekin zuzenean kudeatu beharko du eskaria, antolakuntzari aditzera eman ondoren, eskaria azokan jasotzea koordinatzeko.

## Standa mantentzeko lanak (garbiketa, elektrizitatea, ura)

Eusko Jaurlaritzak bere gain hartzen ditu garbiketako zerbitzu orokorrak, elektrizitatea, ura, etab., eta, oro har, standa egoki mantentzeko lanak. Hala ere, enpresa bakoitzaren ardura izango da norbere standa garbiketa aldetik baldintza egokietan mantentzea.